

Date	:	13 Januari 2018
Title	:	PKS UNITEN nekad tebus kecewa
Publication	:	Berita Harian
Page	:	82

LIGA HOKI WANITA MALAYSIA

PKS Uniten tekad tebus kecewa

Kuala Lumpur: Selepas sekadar menamatkan saingan Liga Hoki Wanita Malaysia di kedudukan ketiga musim lalu, PKS Uniten meletakkan sasaran meraih pencapaian lebih baik pada musim baharu bermula 18 Januari ini.

Meskipun dilihat sukar mengambil kira saingan daripada juara bertahan, Pasukan Hoki Wanita Terengganu (TLHT) dan Blue Warriors, pengendali PKS Uniten, Lailin Abu Hassan optimis barisannya mampu memenuhi sasaran untuk mendominasi saingan liga dan Piala Vivian Soars, iaitu perebutan bagi piala keseluruhan.

"Kami sedar pasukan seperti Blue Warriors berjaya mendapatkan pemain import dari India selain diperkuatkan pemain kebangsaan.

"THT juga mempunyai barisan pemain kebangsaan. Ia pasti satu lagi musim yang sukar. Apapun, ia satu perkembangan positif kerana kehadiran barisan pemain berkualiti ini akan meningkatkan lagi kualiti liga kita," katanya di sini, semalam.

Lailin berkata, dengan diperkuatkan tiga pemain baharu dari skuad kebangsaan musim ini iaitu penyerang Hanis Nadiah Onn, Wan Norfaiezah Md Saiuti dan Nuraini Abdul Rashid, beliau berharap barisan pemainnya dapat meraih pencapaian lebih baik.